



**JU UNIVERZITET U ZENICI**

**PRAVILNIK  
O REPREZENTACIJI I POKLONIMA**

**Zenica, oktobar 2020. godine**

## SADRŽAJ

<b>POGLAVLJE I. OPĆE ODREDBE</b>	<b>3</b>
Predmet Pravilnika	3
Pojam reprezentacije i poklona	3
<b>POGLAVLJE II. VISINA SREDSTAVA REPREZENTACIJE I POKLONA</b>	<b>3</b>
Određivanje visine reprezentacije	3
Najviši iznos sredstava na godišnjem nivou	4
<b>POGLAVLJE III. KORIŠTENJE SREDSTAVA REPREZENTACIJE</b>	<b>3</b>
Vrsta reprezentacija	3
Korištenje reprezentacije	4
Eksterna reprezentacija	4
Korištenje sredstava eksterne reprezentacije	4
Izvještaj o korištenju sredstava	5
Interna reprezentacija	5
Korištenje sredstava interne reprezentacije	5
Lica sa pravom korištenja sredstava za reprezentaciju	5
<b>POGLAVLJE IV. PROCEDURE I PRAVILA PRIMANJA I DAVANJA POKLONA</b>	<b>5</b>
Primanje poklona	5
Dodjeljivanje poklona	6
Vrijednost poklona	6
<b>POGLAVLJE V. EVIDENCIJA PRIMLJENIH POKLONA</b>	<b>6</b>
Vodenje evidencije primljenih poklona i utvrđivanje vrijednosti	6
<b>POGLAVLJE VI. ZAVRŠNE ODREDBE</b>	<b>6</b>
Izmjene i dopune Pravilnika	6
Stupanje na snagu Pravilnika	6

Na osnovu člana 51. tačka a) Zakona o visokom obrazovanju (“Službene novine Zeničko-dobojskog kantona”, broj: 6/09, 9/13, 13/13, 4/15, 5/18 i 4/19), člana 19. stav 2. alineja 1. Zakona o Javnoj ustanovi Univerzitet u Zenici („Službene novine Zeničko-dobojskog kantona”, broj: 6/05, 11/06, 6/09, 10/11, 16/11, 15/12, 13/13, 6/16, 9/17, 13/17 i 10/18) i člana 57. stav (1) tačka a) Statuta Univerziteta u Zenici (Prečišćeni tekst), a u vezi s članom 16. Uredbe o reprezentaciji i poklonima Vlade Zeničko-dobojskog kantona („Službene novine Zeničko-dobojskog kantona“, broj: 5/14), Upravni odbor Univerziteta u Zenici, na svojoj 18/20 vanrednoj sjednici održanoj 26.10.2020. godine, donio je

## **PRAVILNIK O REPREZENTACIJI I POKLONIMA**

### **POGLAVLJE I. OPĆE ODREDBE**

#### **Član 1.** **(Predmet Pravilnika)**

Ovim Pravilnikom uređuje se visina sredstava reprezentacije, korištenja sredstava reprezentacije, procedura i pravila primanja i davanja poklona, te vođenje evidencije o primljenim poklonima na Univerzitetu u Zenici (u daljem tekstu: Univerzitet).

#### **Član 2.** **(Pojam reprezentacije i poklona)**

- (1) Pod reprezentacijom se podrazumijeva izdatak koji se javlja u toku redovnog poslovanja Univerziteta, sa ciljem ostvarenja i održavanja poslovnih odnosa, te obilježavanja godišnjica i drugih značajnih događaja.
- (2) Sredstva za reprezentaciju su sredstva za troškove jela, pića i osvježenja koja se služe tokom radnih sastanaka, karte za sportske i kulturne događaje, troškovi za kupovinu cvijeća i vijenaca i druge robe, troškovi izrade fotografija.
- (3) Poklonom se smatra lična korist u vezi vršenja javne funkcije te funkcije na Univerzitetu, funkcije na drugim univerzitetima u zemlji i inostranstvu, funkcija u okviru rektorskih konferencijskih i drugih akademskih asocijacija, a podrazumijeva stvari, prava, usluge bez naknade te neku drugu ličnu korist datu nosiocu funkcije, kao i svaku isplatu, djelovanje, uslugu ili predmet od vrijednosti učinjene izravno primaocu, bez naknade ili očekivane naknade.

### **POGLAVLJE II. VISINA SREDSTAVA REPREZENTACIJE I POKLONA**

#### **Član 3.** **(Određivanje visine reprezentacije)**

Visina reprezentacije na Univerzitetu određuje se u skladu sa usvojenim budžetom i raspoloživim finansijskim sredstvima, posebno za svaku budžetsku godinu.

#### **Član 4.**

##### **(Najviši iznos sredstava na godišnjem nivou)**

Rashodi na ime reprezentacije i poklona iz vlastitih sredstava mogu se izvršiti najviše do 10% ostvarenog vlastitog prihoda za Rektorat Univerziteta u Zenici i 5% ostvarenog vlastitog prihoda za organizacione jedinice Univerziteta u Zenici.

Rashodi na ime reprezentacije i poklona iz namjenskih sredstava, grantova i donacija se realiziraju u skladu s prilivom sredstava, odobrenim projektima i programima utroška sredstava.

### **POGLAVLJE III. KORIŠTENJE SREDSTAVA REPREZENTACIJE**

#### **Član 5.**

##### **(Vrsta reprezentacija)**

(1) Sredstva reprezentacije utvrđuju se kao:

1. eksterna reprezentacija za institucije i organizacije iz stava (2) ovog člana i njihove predstavnike i istaknute pojedince, i
2. interna reprezentacija za Rektora, dekane i direktore.

(2) Institucije i organizacije u smislu ovog Pravilnika su: univerziteti u zemlji i inostranstvu, rektorske konferencije, druge akademske asocijacije, državne institucije i organizacije Bosne i Hercegovine, entiteta, kantona, općine i Brčko Distrikta Bosne i Hercegovine, državne institucije drugih država, te međunarodne organizacije i institucije.

#### **Član 6.**

##### **(Korištenje reprezentacije)**

(1) Rektor koristi sredstva reprezentacije razumno i primjereno, vodeći računa o raspoloživim sredstvima za reprezentaciju.

(2) U slučaju da korisnici sredstava reprezentacije prekorače dozvoljeno ograničenje, dužni su dostaviti pismeni izvještaj o prekoračenju, na osnovu kojeg će Upravni odbor procijeniti da li je prekoračenje opravdano ili nije.

(3) Ukoliko Upravni odbor, u smislu prethodnog stava ovog člana, ocijeni da je prekoračenje neopravdano, donijet će posebno rješenje o obustavi od plaće prekoračenog iznosa sredstava reprezentacije.

#### **Eksterna reprezentacija**

#### **Član 7.**

##### **(Korištenje sredstava eksterne reprezentacije)**

(1) Korištenje sredstava eksterne reprezentacije mora biti razumno i primjereno, vodeći računa o uslovima i prilikama, te o statusu lica, a može se koristiti u inostranstvu i na teritoriji Bosne i Hercegovine, uključujući i samo sjedište Univerziteta.

(2) Pravo na korištenje sredstava reprezentacije u inostranstvu imaju korisnici reprezentacije.

(3) Pravdanje korištenja sredstava reprezentacije vrši se podnošenjem pismenog izvještaja uz koji se prilaže odgovarajući račun.

**Član 8.**  
**(Izvještaj o korištenju sredstava)**

- (1) Pismeni izvještaj iz člana 7. stav (3) ovog Pravilnika sadrži datum, mjesto i svrhu korištenja sredstava reprezentacije.
- (2) Računi davaoca usluga moraju biti originalni i naknadno odobreni potpisom ovlaštenog lica.
- (3) U cilju namjenskog trošenja sredstava reprezentacije svaki račun mora u prilogu da sadrži kratak pismeni izvještaj o svrsi korištenja sredstava reprezentacije.

**Interni reprezentacija**

**Član 9.**  
**(Korištenje sredstava interne reprezentacije)**

- (1) Interna reprezentacija odnosi se na korištenje sredstava reprezentacije prilikom obavljanja redovnih poslova na Univerzitetu.
- (2) Interna reprezentacija odnosi se i na korištenje sredstava reprezentacije prilikom održavanja sjednica organa Univerziteta.

**Član 10.**  
**(Lica sa pravom korištenja sredstava za reprezentaciju)**

- (1) Pravo na reprezentaciju iz člana 9. stav (1) imaju korisnici reprezentacije.
- (2) Reprezentaciju iz člana 9. stav (2) odobravaju korisnici reprezentacije.

**POGLAVLJE IV. PROCEDURE I PRAVILA PRIMANJA I DAVANJA POKLONA**

**Član 11.**  
**(Primanje poklona)**

- (1) Kod primanja poklona mora biti jasno utvrđeno da li su oni namijenjeni Univerzitetu ili radniku.
- (2) Univerzitet će primiti poklone, nezavisno o njihovoj vrijednosti, kada je to u skladu s propisima i kada ne postoje neki politički ili ekonomski razlozi zbog kojih ih ne bi trebalo primiti.
- (3) Radnik ne smije zadržati poklon čija tržišna vrijednost prelazi 100,00 KM, te je isti dužan prijaviti i predati Univerzitetu.
- (4) Radnik iz prethodnog stava ovog člana dužan je pridržavati se odredaba o primanjupoklona iz ovog Pravilnika i Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj: 70/08).

**Član 12.**  
**(Dodjeljivanje poklona)**

- (1) Univerzitet može dodjeljivati poklone institucijama i organizacijama, kao i predstavnicima institucija i organizacija iz člana 5. stav (2) ovog Pravilnika, prilikom protokolarnih posjeta, u povodu jubileja tih institucija i organizacija, njihovog posebnog doprinosa u razvoju pojedinih oblasti i projekata, te po isteku mandata predstavnicima međunarodnih institucija i organizacija, kao i istaknutim pojedincima, koji su svojim

radom i rezultatima rada doprinosili afirmaciji Bosne i Hercegovine, Zeničko-dobojskog kantona, odnosno Univerziteta poštujući odredbe Zakona o porezu na dohodak Federacije Bosne i Hercegovine (Službene novine Federacije BiH", broj: 10/08, 9/10, 44/11, 7/13 i 65/13).

(2) O davanju poklona u navedenim situacijama, odlučuje Rektor.

**Član 13.  
(Vrijednost poklona)**

Pokloni za predstavnike institucija i organizacija iz člana 5. stav (2) ovog Pravilnika utvrđuje se u iznosu do 500,00 KM.

**POGLAVLJE V. EVIDENCIJA PRIMLJENIH POKLONA**

**Član 14.  
(Vođenje evidencije primljenih poklona i utvrđivanje vrijednosti)**

- (1) Univerzitet je dužan voditi evidenciju primljenih poklona čija tržišna vrijednost prelazi iznos iz člana 11. stav (3) ovog Pravilnika.
- (2) Evidencija primljenih poklona sastoji se od sljedećih rubrika:
  - a) redni broj,
  - b) podaci o poklonodavcu, potpis poklonoprimca ili lica ovlaštenog za čuvanje poklona,
  - c) vrsta, količina i vrijednost poklona,
  - d) datum i mjesto prijema poklona,
  - e) mjesto gdje se čuva primljeni poklon.
- (3) Vrijednost poklona u smislu ovog člana utvrđuje Univerzitet na osnovu računa, provjerom
- (4) vrijednosti istog ili sličnog poklona na tržištu ili izjavom poklonodavca koja može biti usmena ili pismena, ali ne i posebno zahtijevana.

**POGLAVLJE VI. ZAVRŠNE ODREDBE**


**Član 15.  
(Izmjene i dopune Pravilnika)**

Izmjene i dopune ovog Pravilnika vrše se na način i po postupku utvrđenom za njegovo donošenje.

**Član 16.  
(Stupanje na snagu Pravilnika)**

Ovaj Pravilnik stupa na snagu danom donošenja, čime prestaje da važi Uputstvo o reprezentaciji, broj: 01-100-020-1546/09 od 04.06.2009. godine.

Broj: 01-01-3-3431/20  
Zenica, 26.10.2020. godine



**PREDsjEDNIK UPRAVNOG ODBORA**

Prof. dr. sc. Suvad Isaković

**UNIVERZITET U ZENICI  
UPRAVNI ODBOR**

Broj: 01-01-3-3431/20  
Zenica, 26.10.2020. godine



Na osnovu člana 51. tačka a) Zakona o visokom obrazovanju ("Službene novine Zeničko-dobojskog kantona", broj: 6/09, 9/13, 13/13, 4/15, 5/18 i 4/19), člana 19. stav 2. alineja 1. Zakona o Javnoj ustanovi Univerzitet u Zenici („Službene novine Zeničko-dobojskog kantona”, broj: 6/05, 11/06, 6/09, 10/11, 16/11, 15/12, 13/13, 6/16, 9/17, 13/17 i 10/18) i člana 57. stav (1) tačka a) Statuta Univerziteta u Zenici (Prečišćeni tekst), a u vezi s članom 16. Uredbe o reprezentaciji i poklonima Vlade Zeničko-dobojskog kantona („Službene novine Zeničko-dobojskog kantona“, broj: 5/14), Upravni odbor Univerziteta u Zenici, na svojoj 18/20 vanrednoj sjednici održanoj 26.10.2020. godine, donio je

**O D L U K U  
o usvajanju Pravilnika o reprezentaciji i poklonima**

**Član 1.**

Ovom Odlukom usvaja se Pravilnik o reprezentaciji i poklonima koji čini sastavni dio ove Odluke.

**Član 2.**

Ova Odluka stupa na snagu danom donošenja.

**Član 3.**

Stupanjem na snagu ove Odluke prestaje da važi Uputstvo o reprezentaciji, broj: 01-100-020-1546/09 od 04.06.2009. godine.

**PREDSEDNIK UPRAVNOG ODBORA**

Prof. dr. sc. Suyad Isaković

Dostavljeno:

- 1x Rektor Univerziteta u Zenici
- 4x Prorektori Univerziteta u Zenici
- 9x Rukovodioци organizacionih jedinica  
Univerziteta u Zenici
- 1x Šef Službe za ekonomsko-finansijske poslove  
Univerziteta u Zenici
- 1x a/a